

pitalitatis officium à Sanctis Patribus fre-
 quenter commendatum quantum fieri poterit
 prompte benigneq; exercere assuescāt, memo-
 res, eos, qui hospitalitatē amant, Christum in
 hospitibus recipere. Vel saltim curam & dili-
 gentiam adhibere debent vt in populis sibi
 assignatis hospitalia erigantur, in quibus in-
 firmis, egenis & peregrinis [quorum in mag-
 nis ciuitatibus non parua est multitudo] ad
 vitā necessaria, vel saltim omnia Sacramenta
 cum debita reuerentia administrentur. In quo
 maxime commēdari debet & cohonestari pro-
 uincia Michuacanensis Sanctorum Apostolo-
 rum Petri & Pauli, in qua nullus fere est po-
 pulus [etiam de visita] qui non habeat hospita-
 le in quo summa cura & diligentia omnibus
 infirmis necessaria prēbentur, & quod ampli-
 us est Sacramenta Penitentię, Eucharistię, &
 Vnctionis Extreme, administrantur. Et qui-
 dem quando nullum aliud commodum infir-
 mis proueniret, illud est magnum, q̄ omnes in
 hospitalibus morientes, indulgentiam plena-
 riam omnium peccatorum consequuntur, vt
 patet ver. Hospitalia. Hęc & alia multa tenen-
 tur Parochi suis pręstare ouibus, vt debite su-
 um officium exequantur, vt patet per multas

¶ ***

Sessio-